



NG
I-2-1
2-96



3 1761 7856 8


清修齋遺稿

大城劉鍾俊雪岑著

古體

己亥游晉陽登天門遇雨

鳥道盤空上下臨。百尺淵縹緲。翳空翠。習々如
飛仙。我行未及半。四望雲山聯。溼雲時一至。化
作溟濛烟。天風擁雲下。鋪海白無邊。行人一時
盡。惟我獨留連。頃刻雨脚出。白羽控萬弦。奔波
如倒海。濃墨低壓天。石磴乍隱現。樓閣空中懸。
雨過石皮滑。敗雲猶綿延。俛視群峰頂。乃在馬
足前。松梢時或露。疑是蒼痕鮮。征衣雖盡溼。我
意獨陶然。以此作畫稿。何必師米顛。



空山

奇峯抱崩石。老樹擎流雲。清泉漱明月。溫酒燒石根。空山發長嘯。相和有啼猿。

渝水行

已亥仲夏渡渝水。河水清淺行人喜。正是牽裳欲涉時。忽聞怒飈天外起。輿人一見陡然驚。呼號水至鋒難撓。轉輪返轡急馳驟。怪石當路前相迎。回頭一白浮天際。足底已作風雷聲。星飛雷掣恨路遙。河塘十里隨低高。但願仙人能縮地。目眩山岳齊動搖。碎石崖轉石萬竅吼。馬防顛蹶人防踣。得回彼岸似登仙。幾人滅頂無人救。噫噫乎山阻河流乘險絕。水怒不隨山曲折。激

石橫飛百丈濤。長空漫捲晴雪。招得驚魂重。
太息此身幾被蛟龍得。餘生重覩執輿人。舌僵
木立無顏色。

遊北天門

來遊北天門。上山行五里。峯頭路轉時。地名北
坡底。仰首時一顧。惟見盤空路。一峯高插天。峯
頭裹烟霧。我今登此如登天。皎然紅日當胸前。
行。方及山之半。蓬。足下生雲烟。自此上行
無樹木。磴危徑窄石欲禿。牢把藤蔓防天風。舉
手直可捫星宿。更上雲一層。雲裡來山僧。扶我
登絕頂。相敬如友朋。高閣重升玄。武殿九點齊
烟皆不見。再上無路惟青天。登臨到此局一變。

石闕凌虛結橋牢。峭窓天風聒怒號。不知人
世匿何所。但見雲海翻驚濤。六龍西邁高
與眾絕。背山手挽金輪下。

今體

西出雁門關見夜打行營隊

鉛角帶霜痕。將軍出雁門。月斜弓影淡。風卷陣
雲昏。虎旅威難抗。燕然氣欲吞。觀兵懷往事。元
夜度崑崙。

鹽山道中

茅店有明月。攜來馬上看。嚴霜太欺客。慣作五
更寒。不歷風塵苦。焉知行路難。何時至無棣。傳
語報平安。

悼亡

不知壽夭誰能定。擬向空王問宿因。大限來時
成隻影。夜台歸去侍雙親。乖離今竟如斯。易魂
魄。何能入夢頻。空對釵鈿傷往事。月寒霜重白
無垠。

壁間遺鏡影。空留繡帳虛懸冷。玉鉤。最怕傷心
小兒女。斷風零雨泣牀頭。

郊行

日暮馬蹄急。野烟生四圍。夜風旋積雪。亂踏凍
雲歸。

十二橋夜泊

蕭蕭蘆荻鳴。十二橋頭住。一笛吹月明。蒼茫隔

烟樹。

車中偶成

午夜霜華重。車中擁敝裘。
柝聲催不住。載夢過滄州。

下北天門

絕頂遊方罷。心胸更洒然。
雲霞攜滿袖。飛下九重天。

池上

恍看池中天。疑是仰面臥。
太虛一片雲。忽被魚跳破。

雨中宿新安

樓俯清波柳拂烟。滿城紅暈杏花天。
關千十二

遊人徧春雨如絲綰客船。
嬌鬟十二倚闌干。醉把風神子細看。可惜鶯花
好時節。一帆相雨過新安。

曉行

欲滴嵐光溼翠苔。平洲十里曙雲開。西風似覺
蒲帆重。猶帶新安宿雨來。
蒲帆東下帶斜暉。蕩漾波光浸翠微。試向城頭
高處望。輕風一路紙鳶飛。

北河訪妓

北河小住認泥鴻。重訪蓮仙醉碧筩。記得前時
門外路。石橋西畔綠楊東。
雪行

提得葫蘆唱鷓鴣。漫天風雪鎖長途。詩人不識
奚奴苦。反說行沾入畫圖。

清修齋夜坐

茶烟已歇篆烟斜。六扇空窗扉敞碧紗。為愛月
明開窗立。滿身涼露滴松花。

蓮仙送別代作

離歌一曲付琵琶。淚滴輕衫透碧紗。今日送君
無別訴。一重門外即天涯。

齊紈小扇樣新裁。寫得紅蓮一半開。今日留題
千里別。菊花時節或重來。

夕陽西下水涼。怕見劉郎上客轡。羨煞君舟
兩枝將木。隨波來去總成雙。

幾點相思淚。今朝為別離。酒君衣帶上。如憶妾相隨。

訪友

九節青藤挽落霞。沿溪尋到野人家。籬邊忽過舊相識。贈我一枝紅杏花。

過趙北口

樓台近水綠波涵。蕩漾天光鎖翠嵐。今日買舟過趙北。依稀風景似江南。

湖頭晚眺

萬家灯火雜星繁。盪槳嬌娃溼翠裙。採得滿船新芰芡。月明正到水西門。

與友人西湖小飲

輕舸晚趁藕花風。折得高荷製碧筒。今夜
與君莫歸去。大家同醉月明中。

劉雪岑世丈諱鍾俊芷。彰師之弟。大城布
衣也。其太夫人夢瞿曇文室而生。胸懷滿
洒。不及於名利。讀書過目成誦。多才多
藝。尤精于醫。中歲喪耦。慨然曰。有子有孫
足矣。遂不再娶。嘗赴太原。渡渝水。登天門
足跡所至。每多題詠。其詩秘不示人。身後
家人檢其遺書于敝篋中。得遺詩二卷。始
知其工詩也。易簀時。忽言過去生中是
杭州靈隱寺僧。異哉。晚年于所居東
偏闢小園二區。結屋數椽。門俯清溪。

雜蒔花木豆棚瓜架觴詠其中綽有隱君
子之風焉光緒丙午秋卒年五十

共和元年壬子夏四月東安後學馬鍾琬

謹識

補錄二首

偶成

沿堤開得小方塘。密種紅蓮翠蓋張。好是
凭欄風過處。露荷香一半散為涼。
友人邀遊陞興臺。為風雪所阻。
墨々寒雲樹影不開。強隨遊侶上高臺。陞興
道上無緣甚。異二才過滕六來。

憚南田格逸詩三首。馭香館集失載。附錄於此。

題黃鶴山樵修竹遠山卷

烟樹汀花接水濱。黃鸝聲裏度殘春。綠陰遮斷紅塵路。羨爾巖亭看竹人。

石谷子小景

曉吟楓葉楚江邊。晚醉蘆花月滿天。柳岸無人秋水濶。渡頭煞釣魚船。

倣唐子畏桃花

紅牆十丈送斜暉。檢點春光已二分。綺閣畫長無箇事。閒以廉日看紅雲。

21092

(2)

SKBC
MG
I226
296